



PL
24.51
T52
1654
v.3

斯文正統卷之三

祁陽後學蒙古刁 包選輯

從子再雍較正

論

原道論

韓愈

開口發明
四字其實
四字是
二字二字
又只是一
字

博愛之謂仁。行而宜之之謂義。繇是而之之謂道。
足乎已。無待於外之謂德。仁與義爲定名。道與德爲
虛位。故道有君子。有小人。而德有凶有吉。老子之小
仁義。非毀之也。其見者小也。坐井而觀天。曰天小者。

打破公私
兩開則儒
與老不辨
自明
方是時醉
生夢死知
道為何物

其。子。王。弟。二。三。
非。天。小。也。彼。以。煦。煦。爲。仁。子。子。爲。義。其。小。之。也。則。宜。
其。所。謂。道。道。其。所。道。非。吾。所。謂。道。也。其。所。謂。德。德。其。
所。德。非。吾。所。謂。德。也。凡。吾。所。謂。道。德。云。者。合。仁。與。義。
言。之。也。天。下。之。公。言。也。老。子。所。謂。道。德。云。者。去。仁。與。
義。言。之。也。一。人。之。私。言。也。周。道。衰。孔。子。沒。火。於。秦。黃。
老。於。漢。佛。於。晉。宋。魏。隋。齊。梁。之。間。其。言。仁。義。道。德。云。
者。不。入。於。楊。則。入。於。墨。不。入。於。墨。則。入。於。老。不。入。於。
老。則。入。於。佛。入。於。彼。必。出。乎。此。入。者。主。之。出。者。奴。之。
入。者。附。之。出。者。汙。之。噫。後。之。人。其。欲。聞。仁。義。道。德。之。

民援吾

儒爲軍故

遲遲如此

謬誣若吾

儒則不然

分量之淺

深亦於此

可見

所入何以

償所出

孰從而聽之。老者曰：孔子吾師之弟子也。佛者曰：孔子吾師之弟子也。爲孔子者，習聞其說，樂其誕而自小也。亦曰：吾師亦嘗師之云爾。不惟舉之於口，而又筆之於書。噫！後之人雖欲聞仁義道德之說，其孰從而求之甚矣！人之好怪也，不求其端而訊其末，惟怪之欲聞。古之爲民者四，今之爲民者六。古之教者處其一，今之教者處其三。農之家一，而食粟之家六；工之家一，而用器之家六；賈之家一，而資焉之家六；柰之何！民不窮且盜也。古之時，人之害多矣；有聖人

開物成務
之道利用
安身之法
荷其責之
辭量也

者立。然後教之以相生相養之道。爲之君。爲之師。驅
其蟲蛇禽獸而處之中土。寒然後爲之衣。饑然後爲
之食。水處而顛。土處而病也。然後爲之宮室。爲之工
以贍其器用。爲之賈以通其有。無爲之醫藥。以濟其
天。死爲之葬埋。祭祀以長其恩愛。爲之禮。以次其先
後。爲之樂。以宣其湮鬱。爲之政。以率其怠勸。爲之刑
以鋤其強梗。相欺也。爲之符璽斗斛權衡。以信之。相
奪也。爲之城郭。兵甲以守之。害至而爲之備。患生而
爲之防。今其言曰。聖人不死。六盜不止。剖斗折衡而

學者修

嘖嘖

民不爭。嗚呼其亦不思而已矣。如古之無聖人。人之類滅久矣。何也。無羽毛鱗介以居寒熱也。無爪牙以爭食也。是故君者出令者也。臣者行君之令而致之民者也。民者出粟米麻絲作器皿通貨財以事其上者也。君不出令則失其所以爲君。臣不行君之令而致之民則失其所以爲臣。民不出粟米麻絲作器皿通貨財以事其上則誅。今其法曰必棄而君臣去而父子禁而相生養之道以求其所謂清淨寂滅者。嗚呼其亦幸而出於三代之後而不見黜於禹湯文武。

無恨感慨

離人情爲
天理

援聖經曰
誠意朱
免源却本

其方正新
周公孔子也。其亦不幸而不出於三代之前。不見於禹湯文武周公孔子也。帝之與王。其號雖殊。其所以爲聖一也。夏葛而冬裘。渴飲而饑食。其事雖殊。其所以爲智一也。今其言曰。曷不爲太古之無事。是亦責冬之裘者曰。曷不爲葛之之易也。責饑之食者曰。曷不爲飲之之易也。傳曰。古之欲明明德於天下者。先治其國。欲治其國者。先齊其家。欲齊其家者。先修其身。欲修其身者。先正其心。欲正其心者。先誠其意。然則古之謂正心而誠意者。將以有爲也。今也欲治

綱舉
目張

其心。而外天下國家。滅其天常。子焉而不父其父。臣焉而不君其君。民焉而不事其事。孔子之作春秋也。諸侯用夷禮則夷之。夷而進於中國則中國之。經曰。夷狄之有君。不如諸夏之亡。詩云。戎狄是膺。荆舒是懲。今也。舉夷狄之法。而加先王之教之上。幾何其不胥而爲夷也。夫所謂先王之教者。何也。博愛之謂仁。行而宜之之謂義。繇是而之焉之謂道。足乎已無待於外之謂德。其文。詩書易春秋。其法。禮樂刑政。其民。士農商賈。其位。君臣父子師友。賓主昆弟夫婦。其服。

麻絲其居宮室其食粟米蔬果魚肉其爲道

爲教易行也是故以之爲已則順而詳以之爲人則
愛而公以之爲心則和而平以之爲天下國家無所
處而不當是故生則得其情死則盡其常郊焉而天
神假廟焉而人鬼饗曰斯道也何道也曰斯吾之所
謂道也非向所謂老與佛之道也堯以是傳之舜舜
以是傳之禹禹以是傳之湯湯以是傳之文武周公
文武周公傳之孔子孔子傳之孟軻軻之死不得其
傳焉苟與楊也擇焉而不精語焉而不詳繇周公而

昌黎先生

學問得力

在此數句

擇焉語焉

而不精詳
者其董
二子乎
楊不能擇
併不能

上上而爲君。故其事行。繇周公而下。下而爲臣。故其
說長。然則如之何而可也。曰。不塞不流。不止不行。人
其人。火其書。廬其居。明先王之道。以道之鰥寡孤獨。
廢疾者。有養也。其亦庶乎其可也。

林次崖曰。此篇推明仁義道德之說。歷叙帝王左右
生民之法。終之古聖賢相傳之統。其闢佛老與孟
子拒楊墨同功。其言摹倣中庸首章孟子卒章。乃
番世立教之文。

孔孟而後。程朱而前。上下千餘年間。賴此一篇少

延如綫之緒茅鹿門錢豐山諸公或以爲變化詭
譎或以爲出入無震盪天地只從文藝起見豈
知言者哉

本論

歐陽修

集以勝
之故至此

以此方治
天下便稱
國手

佛法爲中國患千餘歲。世之卓然不惑而有力者。莫不欲去之。已嘗去矣。而復大集。攻之暫破而愈堅。撲之未滅而愈熾。遂至於無可奈何。是果不可去耶。蓋亦未知其方也。夫醫者之於疾也。必推其病之所自來。而治其受病之處。病之中人。乘乎氣虛而入焉。則善醫者。不攻其疾。而務養其氣。氣實則病去。此自然之效也。故救天下之患者。亦必推其患之所自來。而治其受患之處。佛在西域。去中國最遠。而有佛固已。

元氣固則
寒暑不能
侵

力農務本
即富教法

其文正續三

久矣。堯舜三代之際。王政修明。禮義之教。充於天下。
於此之時。雖有佛。無繇而入。及三代衰。王政缺。禮義
廢。後二百餘年。而佛至中國。繇是言之。佛所以爲吾
患者。乘其缺。廢之時。而來此。其受患之本也。補其缺。
修其廢。使王政明。而禮義充。則雖有佛。無所施於吾
民矣。此亦自然之勢也。昔堯舜三代之政。設爲井田
之法。籍天下之人。計其口。而皆授之田。凡人之力。能
勝耕者。莫不有田而耕之。歛以什一。差以征賦。以督
其不勤。使天下之人力。皆盡於南畝。而不暇乎其他。

禮人情

而爲之節

文所以固

肌膚之會

節骸之束

然又懼其勞且怠而入於邪僻也。於是爲制牲牢酒醴以養其體。絃匏俎豆以悅其耳目。於其不耕休力之時。而教之以禮。故因其田獵而爲蒐狩之禮。因其嫁娶而爲婚姻之禮。因其死葬而爲喪祭之禮。因其飲食羣聚而爲鄉射之禮。非徒以防其亂。又因而教之。使知尊卑長幼。凡人之大倫也。故凡養生送死之道。皆因其欲而爲之制。飾之物采而文焉。所以悅之。使其易趣也。順其情性而節焉。所以防之。使其不過也。然猶懼其未也。又爲立學以講明之。故上自天

聲言以養其耳采色以養其目究將禮義以養其心此學較所繇與也

其文正統
子之郊。下至鄉黨。莫不有學。擇民之聰明者而習焉。使相告語。而誘勸其愚惰。嗚呼。何其備也。蓋堯舜三代之爲政如此。其慮民之意甚精。治民之具甚備。防民之術甚周。誘民之道甚篤。行之以勤。而被於物者。洽。浸之以漸。而入於人者深。故民之生也。不用力乎南畝。則從事於禮樂之際。不在其家。則在乎庠序之間。耳聞目見。無非仁義禮樂。而趣之不知其倦。終身不見異物。又奚暇夫外慕哉。故曰。雖有佛無繇而入者。謂有此具也。及周之衰。秦并天下。盡去三代之法。

因循苟且
無復實

上有好者
下必甚

而王道中絕。後之有天下者。不能勉強。其爲治之具。不備。防民之術不周。佛於此時。乘間而出。千有餘歲之間。佛之來者。日益衆。吾之所爲者。日益壞。井田最先廢。而兼并游惰之奸起。其後所謂蒐狩婚姻喪祭鄉射之禮。凡所以教民之具。相次而盡廢。然後民之奸者。有暇而爲他。其良者。泯然不見禮義之及已。夫奸民有餘力。則思爲邪僻。良民不見禮義。則莫知所趣。佛於此時。而乘其隙。方鼓其雄誕之說。而牽之。則民不得不從而歸之矣。又况王公大人。徃徃倡而驅

此句括
通篇之義

之曰。佛是真可歸依者。然則吾民何疑而不歸焉。幸而有一不惑者。方艱然怒曰。佛何爲者。吾將操戈而逐之。又曰。吾將有說而排之。何其不思之甚也。夫千歲之患。徧於天下。豈一人一日之可爲。民之沉酣。入於骨髓。非口舌之可勝。然則將奈何。曰。莫若修其本以勝之。昔戰國之時。楊墨交亂。孟子患之而專言仁義。故仁義之說勝。則楊墨之學廢。漢之時。百家並興。董生患之。而退修孔子之道。孔子之道明。而百家自息。此所謂修其本以勝之之效也。今八尺之夫。被甲

林林
故氣壯

明於義理
故氣壯

荷戟勇蓋三軍。然而見佛則拜。聞佛之說。則有畏慕之誠者。何也。彼誠壯猷。其中心茫然。無所守而然也。一介之士。眇然柔懦。進趣畏怯。然而聞有道佛者。則義形於色。非徒不爲之屈。又欲驅而絕之者。何也。彼無他焉。學問明而禮義熟。中心有所守。以勝之也。然則禮義者。勝佛之本也。今一介之士。知禮義者。尙能不爲之屈。使天下皆知禮義。則勝之矣。此自然之勢也。

顏魯公富鄭公鄭居士所謂振古豪傑非與而致

其生平肯佞佛佛之惑人甚矣哉自古顯言以斥之若傅太史韓吏部程夫子朱文公及致堂胡氏其表表者矣歐公此篇崇正黜邪甚有關於名教其功當不在諸名公下

蘇子瞻文章氣節與韓歐相伯仲而大悲閣四大菩薩諸記未免甘心自外於兩公嗚呼君子一言以爲知一言以爲不知故言不可不慎也

南廟試九叙惟歌論

程顯

舊劉
之言

便有燮理
陰陽意

論曰民受天地之中而生者也。水火金木土穀民所
賴而生者也。樹之君使修舉其所賴而養之者也。修
之有道行之有節上焉天順之下焉民樂之正德焉
利用焉厚生焉此其所以秉統持正而制天下之命
者也。在書禹之謨曰九功惟叙九叙惟歌其指言乎
是也。舜禹明其道聖也。後世不及焉功也。萬世所利
焉宜其事有次叙而民歌樂之也。噫舜之君禹之臣
其歌之之民日聞其道日被其澤其見而知之或言

兩言盡六
經之大凡

事正德
利用厚生
五事貌言
魏德思

或歌可矣。今去聖久遠。踰數千祀。然可覆而舉之者。何也。得非一於道乎。道之大原在於經。經爲道。其發明天地之秘。形容聖人之心。一也。然當推本夫明其次著其跡者。言之。在洪範之九章。一曰五行。次二曰五事。統之以大中。終之以福極。聖人之道。其見於是乎。蓋五行者。天之道也。五事者。人之道也。修人事而致天道。此王者所以治也。五行叙。則其生材也。美焉。阜焉。民居其中。享其利而安焉。豈非皇極之道。用而致乎。五材之生。天也。非人也。五事之修。人也。

荀氏曰洪範五行穀本在木行之數萬以

非天也。雖然五事正則五材自然得其性矣。是則天之道亦王者之所爲也。王者既修五事而致五材。則又舉正德之教而率之。明利用之源而阜之。開厚生之道而養之。五行協於上。六府利於下。三事舉於中。修焉其功之叙也。和焉其德之行也。如是則民浩浩然于于然。驩娛於下。而歌頌其政矣。或曰子之言五行然矣。然六府之兼乎穀。何也。答曰五行氣也。五材形也。君之所致者氣也。民之所用者形也。五氣既叙。五材既豐。民並用焉。然穀者民之所生也。不可一日

其為民食
所急故別

而附之

春秋書災

異後世侈

祥瑞相反

之甚

無之此六府所以兼穀也要其本則五氣之生而已
夫何惑焉竊原春秋之文求聖人之志災之書者十
一大水之書者七不雨之書者九大旱之書者二無
麥苗大無麥禾之書者各一蓋言五行失其序則六
府失其宜物失其宜則尚何次叙之有乎民失其所
則尚何歌詠之有乎可以見聖人之心重時政而謹
民事勤勤乎如是也繇是言之則舜之德其至也地
平天成矣萬世永賴矣其民陶其教遂其生九功之
德皆歌之矣戒之用休董之用威勸之以九歌俾勿

本末是舉
無復編義

壞其終之之道也。道是而已矣。或問行於後者當如何。曰。五事本也。謹而明之。六府外也。時而治之。教之以德。節之以政。古之五正。各司其方。可復也。周之六官。各主其事。可用也。此其略也。其道則具於經矣。推而明之。勤而修之。是亦舜之政也。夫何遠哉。顧力行何如爾。

以洪範解禹謨。以春秋解書。而易之大象所謂后以裁成天地之道。輔相天地之宜。以左右民者。亦具見於此矣。

其
上
糸
糸
三

顏子所好何學論

程頤

言學使以
道爲志言
入便以聖
爲志泰三
才靈萬物
豈同少可

聖人之門。其徒三千。獨稱顏子爲好學。夫詩書六藝。三千子非不習而通也。然則顏子所獨好者何學也。學以至聖人之道也。聖人可學而至歟。曰。然。學之道。如何。曰。天地儲精。得五行之秀者爲人。其本也。貞而靜。其未發也。五性具焉。曰。仁義禮智信。形既生矣。外物觸其形而動於中矣。其中動而七情出焉。曰。喜怒哀樂愛惡欲。情既熾而益蕩其性。鑿矣。是故學者約其情。使合於中。正其心。養其性。故曰。性其情。愚者則

性其情
其性二語

奇妙

其子正統卷之三

不知制之縱其情而至於邪僻。結其性而亡之。故曰
情其性。凡學之道正其心。養其性而已。中正而誠則
聖矣。君子之學必先明諸心。知所養。然後力行以求
至。所謂自明而誠也。故學必盡其心。盡其心則知其
性。知其性。反而誠之。聖人也。故洪範曰。思曰睿。睿作
聖。誠之道在乎信道篤。信道篤則行之果。行之果
則守之固。仁義忠信不離乎心。造次必於是。顛沛必
於是。出處語默必於是。久而弗失。則居之安。動容周
旋中禮。而邪僻之心無自生矣。故顏子所事則曰非

顏子之學
悉此然得
力在不遠
復二字是
外山所以
授晦翁書
也

禮勿視。非禮勿聽。非禮勿言。非禮勿動。仲尼稱之。則
曰。得一善。則拳拳服膺而弗失之矣。又曰。不遷怒。不
貳過。有不善。未嘗不知。知之。未嘗復行也。此其好之
篤。學之之道也。視聽言動皆禮矣。所異於聖人者。蓋
聖人則不思而得。不勉而中。從容中道。顏子則必思
而後得。必勉而後中。故曰。顏子之與聖人。相去一息。
孟子曰。充實而有光輝之謂大。大而化之之謂聖。聖
而不可知之謂神。顏子之德。可謂充實而有光輝矣。
所未至者。守之也。非化之也。以其好學之心。假之以

是聖
人分惜

學問未到
極至處天

假之年春
秋當有兩

孔子

其文正系卷之三

年則不日而化矣。故仲尼曰：不幸短命死矣。蓋傷其
不得至於聖人也。所謂化之者，入於神而自然不思
而得，不勉而中之謂也。孔子曰：七十而從心所欲，不
踰矩，是也。或曰：聖人生而知之者也。今謂可學而至，
其有稽乎？曰：然。孟子曰：堯舜性之也，湯武反之也。性
之者，生而知之者也；反之者，學而知之者也。又曰：孔
子則生而知也，孟子則學而知也。後人不達，以謂聖
本生知，非學可至，而爲學之道遂失。不求諸已，而求
諸外，以博聞強記，巧文麗辭爲工，榮華其言，鮮有至

窮且耳而
志性

於道者則今之學與顏子所好異也

此太學試藝也時海陵胡公瑗得之大驚卽延見處以學職噫非正叔其能爲此文乎非安定其能識此文乎

孟子而後千餘年未有知顏氏之學者至正叔此篇明白揭出而後學聖人者有所依歸如孟子巖巖氣象覺的太濶大學之恐有矜高放曠之病所謂畫虎不成也惟顏子渾朴純篤步步跬踏實地則而象之四勿中具見四代禮樂矣故濂溪周子

曰學顏子之所學

聖人道出乎一論

方岳

聖人之爲斯世也。天而已矣。夫苟至於天。則至神而無迹。至化而難名。蓋有物。物而不物於物者。故凡天下之事變。其森乎吾前者。千岐萬轍。而未艾也。而吾方與之交戰於酬酢之境。而相應接於爭馳競逐之中。則吾心亦擾擾矣。以吾心之擾擾者。而應天下之無窮。則人者勝。而天者微。而烏乎化。是何也。天下之事。自其變者觀之。則其分殊。自其不變者觀之。則其理一。至於一。則所謂殊者化矣。蓋道之所在。一則真。

二則變。一則純。二則雜。聖人之一其聖人之天乎。苟

卿子曰。聖人道出乎一。一者何也。一元之氣。渾淪磅

礴於天地間。其滋而萌。其芽而甲。其生而息。其榮而

悴。何啻什百千億之不齊也。使天而無以應之。邪。則

造物之功幾乎息矣。使天而求以應之。邪。則物矣。而

非化迹矣。而非妙也。天下之理一而萬萬。而一者也。

然則聖人之一其聖人之天乎。故動而無靜。靜而無

動。物也。動而無動。靜而無靜。化也。天則一矣。一則化

矣。而何事物之能累。是何也。人惟此心耳。天下惟此

全用通書
而以化字
易神字

道耳。心外無道。外心而求之者。非也。故凡事物在吾道中。太倉一稊米耳。何事乎紛紛爲也。虛靜之天。雲氣出沒。靈明之府。塵土障固。則一而二。二而三。而天下始多事矣。聖人之爲天下也。其具則禮樂刑政典章文物。其倫則君臣父子。夫婦朋友。其教則仁義禮樂。孝慈友悌。其位則宗廟朝廷。州閭鄉黨。其所酬酢。其所經綸。蓋有萬之不齊。而聖人者。以一心而普萬物。虛靈無際。冲漠無朕。貫通混融。意慮不作。澄然其靜。洞然其空。一而已矣。嗚呼。茲其所以爲聖人之天。

用繫辭及

乾卦

金月通書

乎舜禹之精一。湯尹之一德。吾夫子之一貫。皆天也。
 則凡不出於一者。不足以言道。寂然非靜。感通非動。
 一乾道之變化而已。所謂一者。固自若也。而或者膠
 膠擾擾。與天下相馳於萬物之中。相將役於物之不
 暇。而道安在哉。申韓以刑名而慘此。一莊老以虛無
 而眈此。一蘇秦張儀以縱橫而亂此。一而天下始紛
 紛矣。荀卿子其知道乎。而君子猶不能無憾焉。何也。
 吾道之一。在易為元。在書為極。而在中庸則為誠。一
 者誠而已矣。誠則靜虛動直。靜虛則明明則通。動直

則公公則溥明通公溥其庶乎。而曰執神而固則非
所謂覺則非所謂無意則非所謂心之精神是謂聖
道出乎一荀子之言亦近似惟云執神而固則不
免乎荒唐矣此文原本關洛舉大易通書西銘諸
篇爛熟胸中故言言名理而又驅蘇駕韓投之所
向無不如意文之摹倣古人者斯其至矣

斯文正統

卷之三

易論

董 偕

理光於三
聖至孔子
始透底說

昔者聖人之作易也。因河圖而畫卦。命爻。因卦爻而
取象。繫辭。更三聖人。而卦爻象辭始備。其要皆依卜
筮以爲教。使天下後世之人。得以決嫌疑。定猶豫。不
迷於吉凶悔吝之途而已。至夫子彖傳。與大小象之
辭。則推明其所以爲卦爻象辭之理。而大傳之書。又
自夫卦爻象辭。以推極乎陰陽變化性命道德之蘊。
與而河圖大衍之數。太極兩儀四象八卦相生之序。著
策分揲設音掛扚音之法。無不備具。其所以承三聖。開

來學功至大也。及秦焚滅典籍，此書以卜筮得不亡。而千餘年間，諸儒無有能明其義者。於是借異端空虛之說，而欲闡夫極深研幾之旨，以術數拘泥之學，而欲究夫開物成務之方。其去易也不其遠。而程子奮乎千載之下，始以隨時變易從道，而發明陰陽變易之妙。因象以明理，繇理以貫事，該體用合顯微，使大學是書者立言制行處已治人，守常應變莫不有度。迨乎朱子本義，辭益簡嚴，深探古聖因卜筮教人之本意，而不墮於諸儒術數之末流。釋彖傳則第明

程之學

以天理爲

宗而不外

乎人事

支離破碎
卽拘泥之
學誕謾性
僻卽虛無
之說

知象數以
理形占筮

其爲卦象卦變卦體卦德而不費於辭說釋大傳則
又精密微妙明白簡易有先儒所未及者故愚竊嘗
妄論以爲三聖之易惟夫子能明之而夫子十翼之
外其有功於易道者則惟程子朱子之書而已其他
不失於支離破碎則失於誕謾性僻皆非卓然有見
於斯道者也或曰程子言理而不及卜筮朱子則推
本古聖人因卜筮教人之意二者固不同矣子比而
同之何耶愚聞之北溪陳氏曰易之起原於象數自
象數之旣形則理又具於象數之中而不可以本末

以理立可
與言易矣

其文止終
卷之三

二其觀也。易之作。本於占筮。自占筮之既立。則理又
寓於占筮之內。而不可以精粗二其用也。此正程子
所謂體用一源。顯微無間者。若偏於象占。而不該夫
理義。則孔子之意。混一於理義。而不及夫象占。則羲
文周公之心。亦幾乎息矣。朱子本義之書作。所以必
表伏羲圖象。冠諸篇端。以明作易根源之所自來。一
出於天之自然。而非人爲智巧之私。又復古經傳次
序。推原四聖所以成書之本意。迥相解釋。而惟占法
之明。隨人取決。而无偏辭之滯。而天下義理爲之磨

老子曰
是下並

大綱若義
理充實遍

滿離不得
程夫子書

也

利精明依然。歷萃於其中。本末精粗兼該具舉。近以
補程傳之所不足。而上以承四聖之心。所謂開物成
務之大用。至是又益周備。而易道之盛。於此無餘蘊
矣。

易畫於羲。彖於文。爻於周公。十翼於孔子。而其道
備矣。使非程之傳。朱之義。其能不為京房郭璞之
術數。王輔嗣韓康伯之老莊所汨沒乎。讀此文。知
四聖有四聖之易。兩賢有兩賢之易。吾心更有吾
心之易。學者參互稽攷。而推極未畫之前。潔靜精

微之教當自得之矣

易論

章 懋

易爲君子
謀不爲小
人謀橫渠
之言

至理權輿
聖人至教
晦翁之言

聖人作易。蓋爲君子謀也。而亦爲小人謀乎。易之於
小人也。深惡而痛絕之。不使得志焉。視之蓋不啻禽
獸盜賊。其肯爲之謀哉。況乎黃裳元吉。南蒯終以取
敗。元亨利貞。穆姜不得而用也。易果不爲小人謀矣。
奚其謀。曰。此所謂不謀之謀。蓋至理之權輿。聖人之
至教。欲使天下後世之皆爲君子。而不爲小人也。譬
若明師之於弟子。諄諄之誨。固教也。不屑之誨。亦教
也。烏可謂諄諄者之爲教。不屑者之非教乎。易爲君

一陽之生
保證唯恐
不嚴一陰
之生過絕
唯恐不力
其太較也

承乘比應

四字讀易

墨

子謀諄諄之教也。其不爲小人謀。不屑之教也。噫。吾
於是有以見聖人憂世之心矣。天下之不能有君子
而無小人。猶造化之不能有陽而無陰也。故聖人作
易。於陽則引翼之。扶持之。惟恐其不盛。於陰則排擯
之。抑遏之。惟恐其或盛。凡易之所謂吉。所謂亨。所謂
利者。必多陽也。否則陰之比陽。應陽從陽而得正者
也。其所謂凶。所謂悔。所謂吝者。必多陰也。否則陽之
比陰。從陰應陰而失正者也。故曰。聖人之情。見乎辭。
聖人之情。何情也。扶陽抑陰之情也。扶陽固爲君子。

此亦約畧
其類耳觸
類而通之
諸卦元非
為人講也

謀而抑陰未必不爲小人謀也是故援茅征吉戶庭
无咎謀出處也揚於王庭括囊不害謀語默也乾而
惕厲震而修省損而懲忿窒慾益而遷善改過謀所
以修身也臨而保民觀而設教巽而申命行事噬嗑
而明罰勅法謀所以治人也飲食於需宴息於隨避
難於否致命於困反身修德於蹇則於處常處變之
事無一不爲之謀焉易之拳拳於君子者如此其於
小人也則不然履霜則恐其堅娶女則憂其壯童牛
是牯金梃是繫惡羸豕之躑躅戒剥床之滅貞誠不

人苦不自知則悔
悔則吉

人之藥
石獨易節

爲之謀矣。然使小人知所悟焉。必將曰覆餗而刑。負乘而致寇。易益戒我。不可以覆餗而負乘也。獲狐於田。射隼於墉。易又教我。不可以爲狐而爲隼也。小人弗用。小人弗克。吾而不爲小人。則用矣。克矣。能反乎此。則易之一言一字。皆小人之藥石。不爲之謀者。乃所以深爲之謀也。又况剝之六五。許其貫魚之利。復之六四。美其獨復之道。而否六二。有包承之心。遂爲小人之吉。所以開其遷善改過之門至矣。爲小人謀。孰有加於易哉。繇是觀之。則易之不爲謀。特不爲

之謀爲小人之事耳小人而欲爲君子易固未始不爲之謀也。

易云利貞未嘗云利不貞云貞吉未嘗云不貞吉此爲君子謀而不爲小人謀之說也夫以貞教之正以不貞戒之則謀小人之意在其中矣楓山之言豈果有外於橫渠但從其意引伸之耳然則詩之美刺書之彰瘡禮之遷善遠罪春秋之褒善貶惡皆可以此意引伸之也天地無棄物王者重絕人聖人立言之旨何獨不然

南蒯占黃裳元吉而敗本義引子服惠伯之言以爲占法竊意未然先儒以五爲攝政之位極好黃屬土坤之色也裳在下坤之位也居中而安下位故有大善之吉反是則凶矣此教以謹守爲臣之分也惠伯不能申明言外之意使南蒯體會爻辭而用之乃與言忠信之事曰易不可以占險口筮雖當未也徒知易不爲小人謀而不知易之爲小人謀者正自有在豈足以抑畔臣之心哉無惑乎蒯之不聽也

繫辭云聖人以此洗心退藏於密聖人以此齋戒
以神明其德夫此兩言者卜筮之本也卜筮而不
從事於洗心齋戒之學神將厭之其我告猶乎繇
此言之易果不爲小人謀矣

其ノ上ノ糸
夕ス三

二ヨ

春秋論

章 懋

先發明春
秋太義而
後可以折
人

聖人在上。則以其道行賞罰於天下而立一時之政。
治。聖人在下。則以其道寓賞罰于筆削而立萬世之
政治。先王之世。五服以命有德。五刑以討有罪。此賞
罰之賞罰也。夫子作春秋。榮華袞於一字之褒。凜銖
鉞於片言之貶。是乃不賞之賞。不罰之罰也。賞罰之
權。僅可施諸其身。而春秋之賞罰。則其身雖死而不
得逃焉。賞罰之權。僅能勸懲於一時。而春秋之賞罰。
則足以勸懲於千百世之久。夫子雖窮不得位。其功

不見道故
有此等議
論

客君臣之

今而論

是非即此

筆可見

顧不大於有位者歟。或者乃曰。賞罰者天子之事。夫子病諸侯大夫之僭也。而作春秋。而已則爲之。其何以責天下。位公也。道私也。私不勝公。則道不勝位。道雖在。我亦不得爲有位者之事。嗚呼。爲此說者。何其不知春秋邪。夫位者。天下之公器。道者。天下之公理。天下寧有位公。而道私者乎。位之所以公者。以道存焉耳。道之不存。位獨能公邪。首止之會。周惠王將以私愛易嫡。齊桓公合諸侯以定世子。夫子則許之。鄭文公奉王命而不與盟。夫子則責之。是皆以道不以

萬世之道
在孔子故
為萬世行
道之事

位也。道之公所以匡其位之有不公者也。夏商之季
位不在湯武而道在焉。故湯武奉天命以行賞罰。桐
宮之際位不在伊尹而道在焉。故伊尹奉先王以行
賞罰。道之所當為皆不為。僭其僭者皆不合乎道者
也。周之既衰禮樂征伐不出於天子而亂賊肆無所
忌也。故夫子修春秋明王法以誅亂討罪亦道之不
得不然耳。然於每歲之首必書春王正月以見春秋
之中。或予或奪或進或退其所賞罰之者皆王也。而
已無所與焉。如是而假天子之權何不可者而猶以

爲僭乎。或者又曰。夫子作春秋。賞罰之權。不

而以子魯曰。此魯賞罰之也。蓋魯爲周公之後。故假

以天子之權。是亦不然。孟子記孔子之言曰。罪我者

其惟春秋乎。又曰。其義則丘竊取之矣。蓋素王寔任

之也。而曰。不以自予可乎。春秋之作。上以續往聖。

道。統下以立萬世之人極。所以爲百王不易之大法。

將以公諸天下。後世而豈私以爲魯哉。若以春秋魯

史爲與魯之書。則夫子不過假魯史以寓王法耳。未

見其與魯。若以請討陳。恒爲與魯之證。則春秋之法。

臆說改應
辨創
與魯猶爲

亂臣賊子。人人得而誅之。亦非專爲與魯也。昔成王
賜周公以天子禮樂。夫子猶或非之。魯謂魯爲周公
之後。而獨許其假天子之權乎。是皆不通之論也。此
其爲說。蓋蹈襲漢儒黜周王魯之言。而曲爲之辭。其
不足信也明矣。

老泉之治春秋也。讀焉而不精考焉而不詳。故其
爲論穿鑿支離。而無所與於立言之旨。得楓山公
反覆辨難。歸之大道。而後尼父立言苦心。不爲文
士所掩沒矣。

胡傳未出之先卽有曰孔子匹夫不擅進退諸侯者及胡氏引孟子之言逐傳剖析不憚諄復百世以俟聖人而不惑矣後儒猶有固執已見斷然不之信者吾不知其何說也此論其康侯功臣乎

綱鑑總論

潘榮

明於道與
法與本治
天下無餘
事矣

身者所以
立本而行
法盡道也
然其要却
又在心

史曰有寵
所言皆從
謂妹喜書
曰惟好言

治天下有道。親賢遠奸。明而已矣。治天下有法。信賞必罰。斷而已矣。治天下有本。禮樂教化順而已矣。明則君子進而小人退。斷則有功勸而有罪懲。順則萬事理。人心悅而天下服。三者之要在身。身端心誠。不令而行矣。故唐虞三代之治。純用禮樂。教化大行。不言而信。不怒而威。無爲而治。如斯而已。及其衰也。夏以妹喜。商以妲己。周以褒姒。是佚欲之亡人。而百令不從矣。周室東遷。王政不行。諸侯多僭。故夫子自衛

是用謂姐
已詩曰艷

妻嬭方處
謂褒姒

大不生孔
孟生民之

類絕矣

未免戰國
氣習

叔孫通爲
之

漢文長者
遇事則奮

反魯作春秋以正王化。至於戰國王室陵夷。分崩離析。故孟子去魏適齊。陳王道以正人心。是皆聖賢爲萬世生民而發也。自茲以還。迹熄澤竭。人私其身。士私其學。異端蜂起。聖學榛蕪。秦漢而下。安危不一。難以悉舉。姑取其最關於綱紀者而論之。漢高之興。去古未遠。豁達大度。從諫如流。可與有爲之君也。然輕士嫚罵。凌辱大臣。張良托以辟穀。何蓼平勃以詐以力。天下雖安。而古禮不復。古樂不作。從茲始矣。可勝惜哉。漢文沉潛而不能剛克。漢武高明而不能柔克。

賢有為立
曰不能剛

克

讓之再三

是也論功

而不及齊

王未虛侯

則非矣

以為董和

則不稱以

為仲舒又

列三國之

味

西向讓三南向讓再夫何踐詐之初示民以詐短喪
之制又安用之故民雖富庶而修已治人之道幾乎
息矣窮兵黷武虐民事神而海內虛耗至輪臺之詔
天理藹然其悔心之萌乎不然則亦亡秦之續耳漢
昭十四而識上官桀之詐似可有為惜霍光不學無
術不能以道事君光武有志於治而輔相亦非其人
孔明有王佐之才而當姦雄僭竊之際董子雖有大
志而亦不得其位鄧騭楊震之徒不識保身之機外
戚之禍內豎之變中移於王莽卒壞於董卓曹操承

卷之三

之以移漢祚。又何言哉。唐之太宗號爲英主。百戰而有天下。偃武修文。勵精求治。身致太平。刑措不用。亦希世之賢君也。然以君德論之。則用宮人私侍以劫其父。納巢刺王妃而封子明。其謬已甚。若非魏徵辰羸之喻。則明母又繼文德而后矣。閨門如此。其子孫烏得有正家之法乎。是故武氏經事先帝。太真已配壽王。中宗親爲點壽於韋后。明皇賜洗兒錢於貴妃。卒爲天下後世非笑。豈不皆繇太宗垂統之所致與。房。杜。王。魏。無忌。遂良。狄仁傑。張九齡。姚崇。宋璟。李泌。

五王不殺

三思與王

允不赦李

郭皆自貽

弒威

李勣差有

可觀特以

阿附武氏

故遂與此

輩同科哀

哉

按秦政以

十二月生

裴度之賢猶不能救其君於蕩敗禮義之際而或以

見疎張柬之桓彥範崔玄暉袁恕已敬暉等討武氏

之亂反正廢主有大功於唐而凌辱以死韓愈陸贄

勤勤懇懇於章奏之間而亦以獲罪他尚可說哉蓋

唐之亂也始於武韋危於貴妃壞於藩鎮亡於宦官

而李勣音述李義府許敬宗鄭愔音暗崔湜音武三思李

林甫楊國忠李輔國盧杞元載之流與后妃宦豎內

外交締始終為難非一朝一夕之故暴秦以呂易嬴

是嬴亡於莊襄之手弱晉以牛易馬是馬滅於懷愍

呂龜之說
恐未盡然

後人知高

之姦而素
之姦或亦

盡知

柴世宗不
死中原指
其不平

之時。隋煬廣弑父自立。卽以敗亡。又何足與論治天
下之道乎。蓋以趙高楊素之姦。以致扶蘇楊勇之死。
是天所以速秦隋之滅也。且秦政之暴。過於隋堅。楊
廣之惡。浮於胡亥。覆宗絕嗣。不亦宜乎。宋齊梁陳。至
於五季。禍亂相尋。戰爭不息。各爲君臣。實爲讐敵。世
降至此。壞亂極矣。惟柴世宗粗有三代遺風。而使之
不壽。豈天將啓宋世之治也與。且自晉武之後。惠懷
無親。骨肉相殘。群胡乘釁。濁亂中原。生民塗炭。未有
甚於此時者也。王謝陶阮。富貴風流。節行標致。沛乎

與罪不相

三君皆有
可議孝文
尤甚宋子
已示其意
于綱目矣

有餘。江左之民亦賴以安然。朝廷之得失。姦雄之篡
弑。則亦邈乎其不能正也。逮拓拔氏興。佐以崔浩。高
允之徒。既治且安。至於孝文。風移俗易。庶幾爲禮義
之邦矣。宇文高祖。完顏世宗。其亦賢乎。江左君臣。寧
不知愧。夫三年之喪。自天子達於庶人。文景以後。能
行之者。惟晉武帝。魏孝文。周高祖。數君而已。此夫子
所謂不如諸夏之亡也。然自晉至隋。南北之君。率多
不得其死。盡以國亡族滅。其故何也。蓋得之不仁。上
行下效。身爲天子。死無噍類。嗚呼哀哉。至於太祖。未

較漢高操
術極正較

唐太宗詩

身極嚴所

憾者黃袍

加身耳

殺張瓊大
寫盛德二

緊

丁黃批漢

宵爲學。晚好讀書。歎曰。堯舜之世。四凶之罪。止於投
寬。何近代法網之密耶。於是立法鞭朴。不行於殿陛。
罵辱不及於公卿。故臣下得以有爲。而忠君愛國之
心。油然而興矣。命曹彬下江南。則戒以切勿暴掠生民。
故彬至城下。焚香約誓。一不妄殺。凱還之日。行李蕭
然。遣吳越歸國。而使知不留之意。處將相之間。則喻
以相安之情。待諸降王。以賓禮。易諸節鎮。以儒臣。使
舉德行孝弟之士。以隆禮義廉耻之風。嗚呼。人主如
是。亦庶乎其知九經之義矣。且曰。洞開重門。正如我

太祖仁人

太宗忍人

大段懸絕

漢文而後

稱賢君者

必自宋仁

李樂史律

以此雜司

辰之義

事

心。少。有。邪。曲。人。皆。見。之。蕩。蕩。平。平。之。道。不。外。是。矣。太
 宗。卽。位。之。初。首。開。崇。文。館。與。諸。王。宰。相。緒。閱。書。籍。次
 選。文。章。有。德。之。士。教。道。王。子。且。戒。之。曰。必。以。忠。孝。爲
 先。又。能。作。興。文。學。以。風。四。方。而。人。才。於。是。乎。出。矣。至
 於。仁。宗。力。行。恭。儉。正。身。率。物。終。始。如。一。升。遐。之。日。雖
 深。山。窮。谷。莫。不。奔。走。悲。號。如。喪。考。妣。非。有。得。於。人。心
 而。能。如。是。乎。英。宗。氣。質。尤。美。謙。恭。以。任。賢。臣。而。天。下
 無。事。暨。於。哲。宗。之。初。實。爲。垂。簾。之。政。宣。仁。有。言。曰。苟
 有。利。於。社。稷。吾。無。愛。於。髮。膚。任。賢。不。二。去。讒。不。疑。故

自建隆。至於元祐。號稱治平之世。而人才之盛。亦莫過於宋矣。初有趙普、范質、李沆、音曉張齊賢、向敏中、寇準、蔡襄、晏殊、王旦、王曾、杜衍、趙抃、諸呂之輩。復有韓、范、富、歐、陽、蘇、張、文、呂、司馬之徒。俱爲大賢。文章德業。前世無比。相繼輔相。當此之時。君君臣臣。父父子子。夫夫婦婦。百姓謳歌。謂之太平天子。又稱宣仁爲女中堯舜。嗚呼。休哉。神宗刻意圖治。上慕唐虞。傾心安石。君臣之間。求濟斯道。未嘗不以堯舜相期。東周以來。未之有也。世方仰其有爲。庶幾復見都兪吁咈。

性執而不
曉事而又

盤患直昵

貪王安得

不貽禍國

家

以禮安石

者禮濂洛

群哲二帝

可三三王

可四

之治惜安石之學既執而蔽引用凶邪反治爲亂使
天下之人囂然喪其樂生之心卒之群姦繼進釀成
靖康之禍用人可不謹哉當此之時上有好治之君
下有慕治之民而濂洛群哲曾無一人登相臣之位
者是宋不得與於斯文也豈天未欲使斯世躋堯舜
之域歟何道之不行也嗚呼真儒輩出悉皆王佐之
才哲宗以後寧宗以前指以朋黨斥爲僞學竄逐禁
錮始無虛日姦邪疊興爲國大蠹始於呂惠卿終於
賈似道互爲汲引相繼升於廟堂用舍如此安得不

進以禮退
以義孔門
家法

禮不足責
先董端非
親公良是

亡乎。蓋宋之人君仁厚有餘而剛斷不足。宋之人臣
德業有加而道則未盡明乎。二帝三王之道以接夫
孟氏之傳者。又謹其進退之義。故終宋之世亦只如
此而已。使學者不能無遺恨於斯世也。且真宗不知
寇準之貶。神宗不識惠卿之姦。又豈不爲明君之累
邪。至於哲宗昏庸尤甚。信任姦慝。屏逐忠賢。却問呂
大防何以至虔州。左右不對。亦可羞也。岳飛破虜。幾
還兩宮。秦檜矯詔。班師而殺之。高宗若不聞也。通天
之罪。尚忍言哉。張浚。趙鼎。真德秀。魏了翁之賢。立朝

寒山而外
陸秀夫謝
德得家致
翁李帝丑
穀徐應燦
諸君行
雖不同皆
足以光宋
室而見祖
宗於地下

未久。非惟不能正群邪之罪。而反有貶責竄逐之冤。
秦檜韓侂侂冑侂史彌遠賈似道。以元兇居相位。登進
同類。布滿朝廷。祇爲身謀。卒以誤國。而人至方以爲
忠。豈復望其有三代之治乎。文天祥拜相於國事既
去之餘。而能以身任三百年綱常之重。從容就義於
顛沛流離之際。爲國之光。是亦豈非祖宗尊賢敬士
之報歟。其興也以大臣之賢。其亡也以大臣之姦。故
雖有大臣之誤。而亦有大臣之報。爲人君者。可不辨
其邪正。而端其本源哉。夫正身以正朝廷。正朝廷以

正百官。百官正。則萬民莫敢不正。萬民正。則四夷賓服。而天下安矣。東夷。西戎。南蠻。北狄。自古有之。舜生於諸馮。東夷之人也。文王生於岐周。西夷之人也。匈奴。突厥。五胡。北魏。契丹。女真。世有位號。若使吾無闕可乘。則幽王不死於犬戎。明皇不敗於祿山。呼延晏。劉曜。不能陷晉都。而懷慙不辱於強虜。幹離不粘音白罕。不得犯宋京。而徽欽不死於漠北矣。蓋天下有道。則四夷來王。萬邦咸休。天下無道。則干戈之禍。不在四夷。而在蕭牆之內矣。故得其道則治。失其道則亂。

又說出正
心修身的
題目及工
夫

原其心欲
求福利而
究至亡國
敗家何苦
乃爾

堯舜之道。孝悌而已矣。修己以安百姓。唐虞之治也。
勞身而焦思。夏禹之治也。六事以自責。成湯之治也。
作無逸。陳誦詩。文武成康之治也。除秦苛法。與民自
新。偃武修文。勵精求治。舉德行。興孝悌。隆禮義。尚廉
耻。此漢祖。唐宗。宋祖之所以興也。至於末世。崇尚虛
無。信誘邪說。垂及敗亡。猶不能悟。齊元爲周師所圍。
尚講老子。梁武爲侯景所逼。惟談苦空。事佛之謹。舍
施之多。無以逾於梁武。奉道之謹。設醮之厚。又何以
加於道君。然則餓死臺城。而佛不之救。受辱漠北。而

漢武云天

下豈有神

仙盡謬誣

耳始皇至

死不悟

絕地天通

無相侵瀆

二公有焉

明帝賢君

遂為首惡

其下三

三

道亦不聞。秦皇漢武窮極以求神仙。了無證驗。楚王

英敬信沙門之法。卒以誅夷。契丹入寇。王欽若出守

天雄軍。束手無策。閉門修齋誦經而已。用此數者。曾

何補於治道哉。狄仁傑巡撫江南。奏毀吳楚淫祠千

七百所。所存惟夏禹。泰伯。季子。伍員。四祠而已。胡頴

經略廣東。毀佛像而殺妖邪。杖僧人以脫愚俗。所過

淫祠必焚之。此萬代之所瞻仰也。嗚呼。自漢以來。不

能紹述三王之道。而佛老之教。乃自明帝始。永平之

間。遣使之天竺。得佛經四十二章。緘之蘭臺石室。

猶龍氏與

黃帝併稱

豈曰異端

何意流弊

至此

書曰執左
道以亂政

以佛像繪之。清涼臺顯節陵。靈帝始立祠于宮中。以奉之。又有飛仙變化之術。丹藥符籙之技。禱祠醮祭之法。沉淪鬼獄之論。皆以老氏爲宗。其名曰道。晉魏以來。其法漸盛。僧尼道士。日以益衆。元魏孝文號爲賢主。亦幸其寺。修齋聽講。石勒之於佛圖澄。符堅之於沙門道安。姚興之於鳩摩羅什。苻拔太武之於寇謙之。唐武宗之於趙歸真。宋道君之於林靈素。徃徃事以師禮。不聞有福利之報。而皆得奇異之禍。覆轍相尋。迷而不悟。流弊千有餘載。漢明帝烏得以逃其

責哉。先儒有言。佛老之害。甚於楊墨。况復有鬼怪人妖邪說暴行。雜然並興。以惑世誣民者乎。孟子曰。楊墨之道不熄。孔子之道不著。韓愈之說曰。人其人。火其書。廬其居。明先王之道。以道之。嗚呼。其要固在於明先王之道耳。此盛彼衰。自然之理也。辨人才。審治體。美教化。厚人倫。此明道之實也。武帝好儒術。董仲舒進修己治人之策。而帝之所與論者。公孫弘。東方朔。司馬相如之徒。卒事封禪。以蕩其志。神宗慕王道。程伯子上稽古正學定志之論。而上之所與謀者。王

造物假手
從來如是

無遠慮者
有近憂

安石呂惠卿章惇蔡卞之流。剗制新法。以擾其民。用
舍之間。安危所繫。袁紹不起。則五族忠賢之禁不除。
劉裕不興。則藩鎮強臣之禍不息。朱溫不來。則宦官
宮妾之亂不止。然癰疽既潰。而大命隨之。蓋人君之
喜用姦邪者。真得以從己之欲而已。人臣之欺罔其
君者。亦欲以固其寵祿而已。然君以逸欲滅國。臣以
寵祿殺身。前車既覆。後車不戒。及君亡國滅。其臣又
安得獨全哉。是故秦未亡而李斯趙高先夷。三族漢
未滅而宦官張讓等二千餘人已就誅夷。王莽盜竊

大理昭昭
不替

神器而傳首請宛梁冀七侯三后六貴人二大將軍
卿將尹較五十七人無少長皆弃市收其財貨合三
十餘萬萬以充王府之用明皇幸蜀李林甫斲棺鞭
屍楊國忠斷頸注梨唐祚未終而先斬韓全誨等一
百六十二人復殺第五可範以下數百冤號之聲徹
於內外崔胤之徒亦隨授首徽欽未亡而蔡京童貫
王黼梁師成已先就戮南宋未滅而賈似道先死於
鄭虎臣之手秦檜削奪官爵韓侂胄梟首淮濱繇此
觀之昔之壅蔽聰明以圖利已者皆所以自滅而已

二語見道
所以爲孔
孟之徒

西公不同
道其趨一
也一者何
也曰仁也
君子亦仁
而已矣何
必同

可不戒哉。故爲君難爲臣不易。治亂興亡之所繇也。
可不慎哉。嗚呼。觀人才之吉凶。知邦家之休戚。漢儒
有言曰。正其誼。不謀其利。明其道。不計其功。蓋人品
不同。而事業亦異。是不可以成敗論英雄也。諸葛亮
輔漢於蜀。狄仁傑反周爲唐。其心一也。郭汾陽克復
二京。而終身富貴。岳武穆志存雪耻。而身死權奸其
道同也。孟德睥睨神器。狐媚欺孤。恨文若九錫之勸
而致之死。篡逆之所爲也。子儀功蓋天下。位極人臣。
杖郭曖肆言之夫。而歸朝待罪。臣子之所安也。平生

如臨泉之
與祥麟焉

可惜李陵

雄不美新
當分韓歐

一席陶以
五斗米拆

腰則松菊
無色五柳

與群木同

朽腐耳

其。一。上。卷。二。三。
姦偽死見真性操之所以如鬼也。鞠躬盡瘁死而後
已。亮之所以如龍也。蘇武持漢節於匈奴是舍生而
取義。真卿陳禍福於希烈乃殺身以成仁。李陵衛律
罪通于天。邦昌劉豫心委乎虜。霍光擁立二君而子
孫夷滅。是履盛滿而不止也。韓琦定策兩朝而德望
益世。識用舍行藏之道也。陶潛爲晉處士心逸而日
休。楊雄爲莽大夫心勞而日拙。諸葛入寇。晉史自帝
魏也。丞相出師。漢賊明大義也。廢帝爲王。唐經亂周
紀也。帝在房州。萬古開群蒙也。故自初命晉大夫爲

綱目
知春秋續

綱目發明

則知綱目

袁則奉揚

簡之教真

德秀踐袁

熒之言

嚴對說

豈甚

諸侯以來千三百六十二年之間。誅亂賊於既死。正名分於當時。定褒貶於生前。示勸懲於來世。此綱目之所以繼獲麟而作也。廣微魁天下於少年。敬仲戒之。必念千里生民之寄。希元以命訊日者。和叔教以湏忘富貴利達之心。是故建安與青田俱為百世師。循序及修省。工夫齊妙用。實殊轍而同歸。何後學之有異。且晝所為。則夜必焚香以奏于帝。豈闕道之治其心乎。因妻邪謀而毀朱子。以媚侂冑。乃鄉人之喻於利也。馮道歷事於五季。惟恐失之。嚴光加足於帝。

三
代
下
卷
三
好

腹忘其貴也。明燭以達旦。乃雲長之大節。郤衣而凍死。實陳三之細事。少事僞朝。官至郎署。陳情之謬也。求仁得仁。抑又何怨。告墓之正也。君親雖曰不同。忠孝本無二致。是非得失。乃在乎人。千載之下。公論不泯。其亦可畏也哉。蓋人才難得。爲民上者。宜有以作成之也。是故欲治之君。須知爲治之要。夫治也者。親賢遠奸。信賞必罰。明禮義。謹學術。以身先之。使民知趨向之方。上下相師。而人才出矣。如此則師道立而善人多。朝廷正而天下治。百姓太和。萬物咸若。蓋爲

原
不此開局
不此結

治必以人才爲本。求人才之道。又以教化爲先。欲行
教化。非興禮樂不可也。不興禮樂。則教化不行。教化
不行。則民無所措手足。無所措手足。則三綱不正。九
疇不叙。而欲致天下之治者。遠矣。故治天下者。必本
之身。身端心誠。則賢才輔而天下治矣。書云。慎厥身
修思永。詩云。上帝臨汝。無二爾心。無二爾心。上帝臨
汝。此之謂也。

把從來朝廷之得失。世道之治亂。人物之臧否。生
民之休戚。夷夏之盛衰。道統之絕續。與夫賢人君

子出處之大關經綸之大計砥柱之大節一一瞭
然如指諸掌眉公曰念一史是古今大帳簿予謂
綱鑑總論是吾心小帳簿大帳簿在手如貧兒驟
富小帳簿在心抑亦可以免於枵腹矣雖然白璧
微瑕夫固有可得而指者霍光廢昏立明再造漢
室一片心事如青天白日後來文墨之士讀盡天
下書恐未能步其後塵而抹殺社稷功蔽以不學
無術之一語可乎李綱人物殊絕當是諸葛狄郭
流亞趙鼎不及也張浚方之遠矣錄張趙而遺李

豈非缺典人才之盛莫宋過信然乃屈指二十餘
人首趙普次范質而張齊賢向敏中呂夷簡咸與
焉曰俱爲大賢曰文章德業前世無比夫范質欠
世宗一死張向以一萬囊橐故爭再醮之婦先儒
固嘗筆之於書矣趙負太祖誤太宗呂出母后陷
富鄭公秉心不亦忍乎雖經國之略匡時之績未
易湮沒然大段不強人意謂其人在賢不肖之間
可也大云乎哉褒貶失平敢拈出與衆証之

其文正系

外之三

臣二

讀唐志論

朱熹

歐陽子曰。三代而上。治出於一。而禮樂達於天下。三代而下。治出於二。而禮樂爲虛名。此古今不易之至論也。然彼知政事禮樂之不可不出於一。而不知道德文章尤不可使出於二也。夫古之聖賢。其文可謂盛矣。然初豈有意學爲如是之文哉。有是實於中。則必有是文於外。如天有是氣。則必有日月星辰之光。耀地有是形。則必有山川草木之行列。聖賢之心。既有是精明純粹之實。以磅礴充塞乎其內。則其著見

有是學爲如是之文
語了古今
多以其儔

言無行而
不與三
字是長
發文

其文之盛
於外者亦必自然條理分明光輝發越而不可掩蓋
不必託於言語著於簡冊而後謂之文但自一身接
於萬事凡其語嘿動靜人所可得而見者無所遠而
非文也姑舉其最而言則易之卦畫詩之詠歌書之
記言春秋之述事與夫禮之威儀樂之節奏皆已列
爲六經而垂萬世其文之盛後世固莫能及然其所
以盛而不可及者豈無所自來而世亦莫之識也故
夫子之言曰文王既沒文不在茲乎蓋雖已決知不
得辭其責矣然猶若逡巡顧望而不能無所疑也至

不說破此
輩將出而
與斯文爭
衡矣

幾
董相或庶

於推其所以興衰則又以爲是皆出於天命之所爲
而非人力之所及此其體之甚重夫豈世俗所謂文
者所能當哉孟軻氏沒聖學失傳天下之士皆本趨
末不求知道養德以充其內而汲汲乎徒以文章爲
事業然在戰國之時若申商孫吳之術蘇張范蔡之
辨列禦寇莊周荀况之言屈平之賦以至秦漢之間
韓非李斯陸生賈傳董相史遷劉向班固下至嚴安
徐樂之流猶皆先有其實而後託之於言惟其無本
而不能一出於道是以君子猶或羞之及至宋玉相

如王褒、楊雄之徒。則一以浮華爲尚。而無實之可言矣。雄之太玄法言。蓋亦長楊較獵之流。而粗變其音節。初非實爲明道講學而作也。東京以降。訖於隋唐數百年間。愈下愈衰。則其去道益遠。而無實之文亦無足論。韓愈氏出。始覺其陋。慨然號於一世。欲去陳言。以追詩書六藝之作。而其弊精神縻歲月。又有甚於前世諸人之所爲者。然猶幸其略知不根無實之不足恃。因是頗沂其源。而適有會焉。於是原道諸篇始作。而其言曰。根之茂者。其實遂。膏之沃者。其光曄。

可惜誤用

諸可斟酌

誦諛如三
上宰相書
之類戲豫
如送窮文
毛穎傳之
類

墨子

仁義之人其言藹如也其徒和之亦曰未有不深於
道而能文者則亦庶幾其賢矣然今讀其書則其出
於誦諛戲豫放浪而無實者自不爲少若夫所原之
道則亦徒能言其大體而未見其有探討服行之效
使其言之爲文者皆必繇是以出也故其論古人則
又直以屈原孟軻馬遷相如楊雄爲一等而猶不及
於董賈其論當世之弊則但以詞不已出而遂有神
祖聖伏之嘆至於其徒之論亦但以剽掠僭竊爲文
之病大振頽風教人自爲爲韓之功則其師生之間

歐志在學

韓究成厥

志使其移

學韓而

學孔孟則

其所成就

豈特如是

而已乎

傳受之際。蓋未免裂道與文。以爲兩物。而於其輕重。緩急。本末。賓主之分。又未免於倒懸而逆置之也。自是以來。又復衰歇。數十百年。而後歐陽子出其文之妙。蓋已不愧於韓氏。而其曰。治出於一云者。則自荀楊以下。皆不能及。而韓亦未有聞焉。是則疑若幾於道矣。然考其終身之言。與其行事之實。則恐其亦未免於韓氏之病也。抑又嘗以其徒之說考之。則誦其言者。旣曰。吾老將休。付子斯文矣。而又必曰。我所謂文。必與道俱。其推尊之也。旣曰。今之韓愈矣。而又必

引夫文不在茲者以張其說。繇前之說則道之與文
吾不知其果爲一耶。果爲二耶。繇後之說則文王孔
子之文。吾又不知其與韓歐之文。果若是其斑乎。否
也。嗚呼。學之不講久矣。習俗之謬。其可勝言也哉。吾
讀唐書而有感。因書其說以訂之。

韓歐好處不肯絲毫掩沒。他病處不肯絲毫假借。
他尺幅間見千秋公案。至於戰國而後。情唐而前。
諸文人雖爲之分虛分實。要皆一筆勾倒。終不裂
文與道爲兩物也。學者讀之。反求趨本從事於知。

道養德以求所爲精明純粹之實則著見於外者
自然與天地相爲昭回矣看到此纔不低却眼目
早厥心胸

初命三晉爲諸侯論

司馬光

以禮治天下則法在

中

天尊地卑
乾坤定矣
卑高以陳
貴賤位矣
此禮所繇

天子之職莫大於禮。禮莫大於分。分莫大於名。何謂禮。紀綱是也。何謂分。君臣是也。何謂名。公侯卿大夫是也。夫以四海之廣。兆民之衆。受制於一人。雖有絕倫之力。高世之智。莫不奔走而服役者。豈非以禮爲之綱紀哉。故天子統三公。三公率諸侯。諸侯制卿大夫。卿大夫治士庶人。貴以臨賤。賤以承貴。而君臣之分。猶天地之不可易。然後上下相保。而國家治安。然禮非名不著。非器不形。名以命之。器以別之。然後上

下粲然有倫。名器既亡。則禮安得獨存哉。故繁縷小物也。而孔子惜之。正名細務也。而孔子先之。蓋事未有不始於微而成於著。聖人之慮遠。故能謹其微而治之。衆人之識近。故必待其著而後救之。治其微則用力寡而功多。救其著則竭力而不能及也。嗚呼。周道之衰。綱紀散壞。禮之大體。什喪七八。然猶歷數百年。宗主天下。徒以名分尚存故也。今晉大夫暴蔑其君。剖分其地。天子既不能討。又寵秩之。使得列於諸侯。是區區之名分。復不能守。而并棄之也。先王之禮。

誣亂賊而
沮忠義之
心。竊編解
新矣

於斯盡矣。或者以爲當是之時。周室微弱。三晉疆盛。雖欲勿許。其可得乎。是大不然。夫三晉苟不顧天下之誅。則不請命而自立矣。不請命而自立。則爲悖逆之臣。天下苟有桓文之君。必奉禮義而征之。今請於天子。而天子許之。是受天子之命。而爲諸侯也。誰得而討之。故三晉之列於諸侯。非三晉之壞禮。乃天子自壞之也。嗚呼。君臣之禮既壞。則天下以智力相雄長。遂使聖賢之後。無不泯絕。生民之類。糜滅幾盡。豈不哀哉。

在易坤之初六曰履霜堅冰至三晉要君豈一朝
一夕之故哉其所繇來者漸矣使周天子早辨於
陰凝之日當不至有弁髦瓜分之禍又何至唯唯
聽命爲也胡氏謹微之論進溫公一步尹氏發明
備著春秋書法而反覆於天下之大勢國統之離
合焉又進致堂一步矣言愈深而旨愈長綱目託
始之意豈復有餘蘊乎

詔停襲封論

尹起莘

孟氏遇文
帝王政其
行乎觀其
於賈生之
言謙讓
遑則亦未
必然也

有堯舜之君。必有皋益稷契之臣。而後唐虞之治。可
與。有湯武之君。必有伊虺旦望之臣。而後商周之治。
可與。世變不古。君宰道睽。天下無復善治。其來久矣。
孟氏有使民不饑不寒之政。而齊梁之君。不足與言
王道。文帝有愛民如赤子之心。而絳灌諸臣。無輔行
仁政之德。當餽典歎。抱道不遇。其不相偶也如此。太
宗在唐。間世特起。真可謂千載一遇之主矣。撫周官
而慨想。思王政之復行。臨御未久。詔議封建。在廷之

即生斯世
爲斯人之
意

臣。譁。而。非。之。曾。無。一。人。敢。當。其。責。者。是。豈。三。代。之。治。
必。三。代。之。君。而。後。可。行。耶。因。陋。就。簡。趣。辦。目。前。姑。以。
苟。媿。一。時。之。便。不。翅。足。矣。何。必。復。古。經。制。乃。爲。盛。治。
此。固。唐。初。諸。臣。之。陋。習。也。僅。有。一。魏。徵。自。以。爲。耻。君。
不。及。堯。舜。若。可。與。有。爲。者。徐。而。考。之。亦。惟。左。支。右。吾。
隨。事。諫。說。而。已。固。未。有。建。萬。世。之。長。策。舉。明。主。於。三。
代。之。心。尙。何。望。其。贊。行。王。政。者。哉。夫。封。建。井。田。先。王。
良。法。後。世。君。臣。苟。欲。舉。而。行。之。必。經。畫。布。置。思。始。圖。
終。取。古。人。之。制。度。參。考。便。宜。使。不。爲。新。莽。之。王。田。宇。

其人行
何可行

唐室諸臣
不免痿痺

之病

文之六官徒以取笑千載。然後君臣相與畢力。一德一心。自今日至於後日。自一郡至於百郡。卓然立爲一代之規模。必期於王制之盡復而後已。烏有可行於先王而不可行於後世者哉。若徒鹵莽滅裂。初無堅定之意。嘗試望洋而爲之。則固不若已之之爲愈。今太宗雖有其志。而諸臣方且力沮其說。有其君而無其臣。是猶心腹獨運。而手足不隨。則雖有坦然之法。猶將墮於悠緬。况望其取數千百年已墜之典。講明而力行之哉。固無恠其終於不行也。綱目書詔議

封建於前。書世襲。刺史於後。書詔停襲。封於終。筆削若此。亦徒以重君子之嘆而已。必有卓然不惑之君。輔以傑然王佐之臣。則太宗之志。復明於千載之下矣。吁。

按貞觀之世。斗米三錢。外戶不閉。行旅不齎糧。是封建雖未復。而其所以養民者。已不減三代矣。雖然富之也。非教之也。家絃戶誦。使人人佩詩書而沐禮樂之澤。豈非太宗所優爲乎。惜也。房公爲村宰。相而文貞亦僅居聖門。言語之科。是以仁義之

効如斯而已也

纂文正統卷之三

封建論

胡宏

六不獲
譬予之辜
故必措斯
世於安寧
之域而後
也

聖。人。理。天。下。以。萬。物。各。得。其。所。爲。極。至。封。建。也。者。帝。
王。所。以。順。天。理。承。天。心。公。天。下。之。大。端。大。本。也。郡。縣。
也。者。霸。世。暴。主。之。所。以。縱。人。欲。悖。天。道。私。一。身。之。大。
孽。大。賊。也。分。天。下。有。德。有。功。者。以。地。而。不。敢。以。天。下。
自。私。於。是。有。百。里。七。十。里。五。十。里。不。能。五。十。里。邦。國。
之。制。焉。於。是。有。君。朝。卿。大。聘。大。夫。小。聘。王。巡。守。侯。述。
職。之。禮。樂。法。度。焉。於。是。有。千。雉。百。雉。三。之。一。五。之。一。
高。城。深。池。焉。於。是。有。井。邑。丘。甸。縣。都。之。夫。數。焉。於。是。

野建廢而
先王之制
棄去者十
之八九矣
可勝惜哉

有十乘。百乘。千乘。萬乘之車數焉。於是有伍兩卒旅。師軍之制焉。於是有卿大夫。司徒。樂正。取士之法焉。邦國之制廢。而郡縣之制作矣。郡縣之制作。而世襲之制亡矣。世襲之制亡。而數易之弊生矣。數易之弊生。而民無定志矣。巡守述職之禮廢。則上下之情不通。攷文案而不究事實。信文案而不信仁賢。其弊有不可勝言者矣。城池之制廢。而禁禦暴客。威服四夷之法亡矣。夫家之法廢。而民數不可詳矣。民數不可詳。而車乘不可出矣。車乘不可出。而軍師不隱於農

以天下之
地與天下
公共之
何容心於
其間

矣。軍師不隱於農。坐食者衆。而公私困窮矣。世儒不
知王政之本。反以亡秦爲可法。所謂明君良臣者。亦
未免以天下自私。無意於裁成輔相。使萬物各得其
所。所以歷千五百餘歲。未有能復之者也。聖人制四
海之命。法天而不私。盡制而不曲。防分天下之地。以
爲萬國。而舉英才共焉。非後世擅天下者。以大制小。
以彊制弱之謀也。誠盡制而已矣。是以虞夏商周。傳
於長久。皆千餘載。論興廢。則均有焉。語絕滅。則至暴
秦。郡縣天下。然後極也。自秦滅先王之制。海內蕩然。

封建政之
根也積功
累仁則所
以擁護此
根

無有根本之固。有今世王天下。而繼世無置錫之地者。有今年貴爲天子。而明年欲爲匹夫。不可得者。天子尚然。況其下者乎。物有其根。則常而靜。安而久。常靜。安。久。則理得其終。物遂其性。封建者。政之有根者也。故上下辨。民志定。教化行。風俗美。理之易治。亂之難亡。扶之易興。亡之難滅。郡縣反是。

如以文而已矣。柳州封建論有關紐有頓挫有光燄。豈不發人才藻。惟是厚誣堯舜禹湯文武而過予暴秦其謬已甚。學者徒美其文之工而忘其理。

之謬則爲心術之害不小矣此文獨從天理人欲
關頭看出古今利害展誦一過併將治天下全局
瞭然在目所謂有王者作必來取法是爲王者師
也豈虛語哉

在易之大象曰地上有水比先王以建萬國親諸
侯則封建爲制治之長策可知矣乃范蘇二公謂
始皇李斯柳宗元之言不能易致堂深非之辨折
多端載在綱目分注者可攷也余謂古人之良法
具在要亦顧其人何如耳得其人則郡縣固可以

致治非其人雖封建遠所以長亂善乎朱子之言
曰不必封建而後可以爲治也但論治體則必如
是而後能以公天下爲心明於君臣之義使思禮
足以相接情意足以相通此則折衷之論矣

朋黨論

胡寅

迹根而實則大端

觀黨人與治黨人者則賢否自見

君子之類。或以道德。以學行。以氣節。以議論。窮則相益。達則相推。可以名之曰朋。而不可謂之黨。小人之類。或以才智。以邪慝。以恩私。以勢利。窮則相疎。達則相親。可以名之曰黨。而不可謂之朋。然小人欲害君子者。并二名而一以目之。故前漢之黨。指蕭望之。劉向。張猛。周堪。而治之者。元帝與弘。恭。石顯也。後漢之黨。指李膺。范滂。二百餘人。而治之者。桓靈與中常侍也。唐之黨。指獨孤損。崔遠等。三十餘人。而治之者。朱

詩曰靡不
有初鮮克
有終其太
憲宗之
謂乎

全忠與柳燦李振也。此三黨者。繫宗社存亡。使天下
振動者也。夫小人憎君子。欲一一而罪之。則君子飭
躬勵操。鮮可瑕疵。惟目以朋黨。則人君之暗惑忌克
者必信。故用黨一字。可以空人之國。至有舉網竭澤
之喻焉。憲宗有意於治。事功未半。逸欲漸生。邪說乘
之。遂疑君子。初以朋黨疑李絳。又以朋黨疑裴度。而
於程异暗皇甫鎛暗則不疑。何者。絳度數諫。异鎛順
從。所以自隔於黨比。而不自知也。太宗以克己納諫。
親致太平。晚而稍怠。遂疑魏徵阿黨。憲宗固不能免。

矣所以然者繇不學故也。

此篇所謂黨皆以小人治君子者也若宋之洛黨
朔黨蜀黨則君子自相攻擊矣豈朝廷之福耶在
易渙之六四曰渙其群元吉渙有丘匪夷所思當
人心渙散之時各相朋黨未能混一惟四居柔得
正處大臣之位與五咸有一德能剖破藩籬渾一
門戶以天下爲大公故元吉然小群徃大群來如
有丘然丘者巍然高大之意所謂舜合三十二人
爲群武王合三千人爲群也立朝者明於六四之

義庶乎免於朋黨之譏矣

宦官論

司馬光

宦者用權爲國家患其來久矣。蓋以出入宮禁。人主
自幼及長。與之親狎。非如公卿進見有時。可嚴憚也。
其間復有性識儇利。語言辯給。善伺候顏色。承迎志
趣。受命則無違忤之患。使令則有稱慝之效。自非上
智之主。燭知物情。慮患深遠。侍奉之外。不任以事。則
近者日親。遠者日疎。甘言悲辭之請。有時而從。浸潤
膚受之慝。有時而聽。於是黜陟刑賞之政。潛移於近
習而不自知。如飲醇酒嗜其味而忘其醉也。東漢之

宦官不計
干預政事
干預政事
干預政事

唐宦官
其於漢而
上國同

衰宦官最名驕橫。然皆假人主之權。依憑城社。以濁
亂天下。未有能劫脅天子。如制嬰兒。廢置在其手。東
西出其意。如唐世者也。所以然者。非他。漢不握兵。唐
握兵。故也。蓋其禍始於明皇。盛於肅代。成於德宗。極
於昭宗。而唐之廟祀。因以丘墟矣。爲國家者。可不慎
其始哉。夫寺人之官。所以謹閨闈之禁。通內外之言。
安可無也。如巷伯之疾惡。寺人披之事君。鄭衆之辭
賞。呂彊之直諫。曹目昇之救患。馬存亮之弭亂。楊復
光之討賊。嚴遵美之避權。張承業之竭忠。其中豈無

爲傑出綱
目褒之與
張良陶潛
同膺持筆

長鼠忘器
何憤憤也

賢才乎。顧人主不當與之謀議。進退士大夫。使有威
福。足以動人耶。果或有罪。小則刑之。大則誅之。無所
寬赦。如此。雖使之專橫。孰敢哉。豈可不察臧否。不擇
是非。欲草薶而禽獮之。能無亂乎。是以袁紹行之於
前。而董卓弱漢。崔胤襲之於後。而朱氏篡唐。雖快一
時之忿。而國隨以亡。是猶惡衣之垢。而焚之。患木之
蠹。而伐之。其爲害豈不益多哉。

戲厥渠魁。脅從罔治。在不軌之徒。且然。况寺人耶。
當時王搏韓偓之言。皆明辨有理。而或死或寘身。

且保遑問其他昭宗惑於崔胤欲倚全忠誅平
內難抑又昧於開國承家小人勿用之明訓矣

濮王典禮論

許浩

司馬光王珪議崇奉濮王典禮謂宜尊爲皇伯而歐陽修引喪服大記爲說欲使稱親朝廷以衆議不一令有司博求典故竊意歐陽修所引喪服記卽典故也喪服大記曰爲人後者爲其父母服降三年爲期不曰爲父母而曰爲其父母以見爲人後者以所後爲父母故於其父母不得直謂之父母而謂之其父母也其之者何外之也夫旣外之則不得稱之爲親明矣若其繼乎大宗而又稱其父母爲親則是祫祭

從周字中
看出制禮
苦心

如何得

其文正公集卷之三

五十九

因此識彼
可無異論

之時有二考也。天無二日。廟可有二考乎。且其降而
替者。奚而降之。誠以爲人後者。旣服斬於所後。則不
得更爲其所生父母斬。而不得不降也。服旣以降。則
名亦宜從其服矣。若名則存之。服則降之。非惟廟有
二考。有妨大宗。而服違其名。亦非義矣。又其所謂禮
無加爵之道。則又無謂安懿之於仁宗。從兄弟也。從
兄弟之子。服父之從兄弟。止應大功。今旣加而期矣。
服旣可加。爵獨不可加乎。夫加爵於安懿。則所以尊
崇之者。亦已多矣。烏得違禮妄尊以紊夫大宗乎。以

是而折之歐陽修將無詞而安懿之所稱所崇奉可
卽此而定矣何必他求之典故乎

歐公所言者禮也許氏所言者亦禮歐公所引者
喪服大記也許氏所引者亦喪服大記一則窒礙
難行一則明白易曉此其間固有善解經不善解
經之異耳

程明道曰言事之臣不明尊崇之禮使濮王與諸
父等若尊稱爲皇伯父濮國太王則在濮王極尊
崇之道而於仁宗亦無嫌疑之失此論最爲得之

其文正公集卷之三
若以此爲案以許氏之言爲斷一時議禮諸公想
當心服矣

事難論

邵寶

事之難者。天下有之矣。然東萊呂氏獨以祭仲之女。子南之子之間將殺父也。以爲天下之至難。而君子之所當先講者。卒乃引伐國不問仁人。謂君子必無此事而不必講也。予謂天下之事有可以意度者。亦有不可以意度者。對孝子而公言將殺其親。固世之所無也。假令彼不吾告。而或偶聞之。而或陰得之。亦將推托於不知。而聽其自戕哉。棄疾於子南父子也。於楚子君臣也。當是時。子南在楚。益僭越之甚。而無

義不可以
畸重情不
可以兩全
微且難

如哉庶
幾悟

其及正糾卷之三
君之漸萌矣。而一旦君以殺其父告。使棄疾而洩命。
則子南必先告於楚子。否則坐視親之將見殺而不
顧也。繇前則黨父以讐君。繇後則從君而賊父。忠孝
之罪人。棄疾曷逃焉。爲棄疾之道者。旣聞是命。必免
冠徒跣。號泣於庭。以告其父曰。吾族有土於國。世食
其祿。以爲巨室。今王之弗強。一國之所知也。而吾乃
攬其威權。利其寵靈。俾國人上下。皆謂主降臣偪。王
亦不自安。將有虞於吾族。竊恐有擬吾後者。雖王亦
不能止也。盍棄位出奔。以全先大夫之祀乎。如是。懇

較前事處
置猶善

側。至於再三。假令不從。則再拜而自盡。若申生之爲
者。吾親之心。庶其有感。而君父之難。萬一可解也。豈
不愈於自經於溝瀆哉。不然。從父起居。父生則子不
敢死。父死則子不敢生。固常情也。今不此之圖。乃曰
父戮子居。若焉用之。洩命重刑。臣亦不爲。何爲者耶。
若夫雍姬之事。則尤有可論者。父者子之天也。夫者
婦之天也。國君殺大夫而專之。非法也。且命其壻以
賊其舅。君非義。令臣非義。共君不可諫。夫可諫也。諫
其夫以逃不義一舉。而全二天。此雍姬之道也。諫而

其文正集卷之三
不從。夫道絕矣。則告於父而自經焉。以明吾心。其亦
可也。雍姬不明此義。乃洩其謀。而視其夫被戮以死。
豈不誤哉。雖然。棄疾不惟可以諫父。而亦可以諫君。
雍姬不惟可以諫夫。而亦可以諫父。不從則死之。死
於君。猶死於父也。死於父。猶死於夫也。死於君爲忠。
死於父爲孝。死於夫爲義。嗚呼。孰謂天下果有難處
之事哉。

繇東萊言之。天下有窮於人之事。繇文簡公言之。
天下無窮於事之人。設身處地。籌畫萬全。所謂盤

根錯節而後可以別利器也筆墨間饒許大經濟
豈日藝之云乎

其之上糸
分
三





